

Pour participer et réviser les chants...
(paroles et musiques sur www.hestivoc.com)

— BÈTH CÈU DE PAU —

Bèth cèu de Pau, quan te tornarèi véder ?
Qu'èi tan sofèrt despuish qui t'èi quitat.
Si'm cau morir shens te poder revéder,
Adu bèth cèu t'aurèi plan regretat !
Qu'aurí volut, Bearn cantar ta gluèra :
Mes ne poish pas car que soi tròp malaut.
Mon Diu ! Mon Diu ! Deishatz-me véder enqüera
Lo cèu de Pau ! Lo cèu de Pau !

Ger qu'èri sol dens ma trista crampeta,
A respirar la parfum deu primtemps,
Quan tot d'un còp, ua prauba irongleta
Possa un gran crit e puish en medish temps,
Un esparvèr cor sus la berogina
Çà-i, çà-i t'ací, jo, ne't harèi pas mau,
Rentra dehens, que parlaram praubina,
Deu cèu de Pau ! Deu cèu de Pau !

Qu'as-tu pensat, la mia prauba amiga,
De viatjar sola shens nat secors !
Reposa't drin: de córrer que't fatiga,
Ací n'as pas a crànher los vautors.
Tà que tremblar, òc, n'ès pas presonèra ;
Que pòts partir si n'èi pas çò qui't cau !
Repren ton vòl, vè voltijar leugèra
Au cèu de Pau ! Au cèu de Pau !

Puish que te'n vas, beròja messatgèra,
Adu ! Adu ! Senti que'm vau morir,
Car lo Bon Diu dens son sejoern m'apèra :
Doman, dilhèu, non serèi mei ací !
Puish que te'n vas, vè te'n dans la montanha
Vè har lo nid devath noste portau
Qu'auràs de tot tà tu e ta companha,
Au cèu de Pau ! Au cèu de Pau !

— LA SOBIRANA —

Despuish l'aup italiana,
A través vilas, e monts, e lanas,
E dinc a la mar grana
Que senhoreja ua sobirana.

Entant de mila annadas
Qu'audín son arríder de mainada,
Sas cantas encantadas,
Sons mots d'amor de hemna tant aimada.

Jo que l'escotarèi
Com s'escota a parlar ua hada,
Jo que la servirèi
Dinc a la mea darrèra alenada.

Un dia, un beròi dia,
Tots coneisheràn ma sobirana ;
Ma mair, ma sòr, ma hilha,
Ma bèra amor, qu'ei la lenga occitana.

— AQUERAS MONTANHAS —

Aqeras montanhas
Qui tan hautas son,
M'empachan de véder
Mas amors on son.

ARREPIC (refrain)
Se canti, jo que canti
Canti pas per jo,
Canti per ma miga
Qui ei auprès de jo.

Se sabí las véder,
On las rencontrar,

Passarí l'aigueta
Shens paur de'm negar

Devath ma frinèsta,
I a un auseron,
Tota la nueit canta,
Canta sa cançon.

Aqeras montanhas
Be s'abaisharàn
E mas amoretas
Que pareisheràn.

— DE CAP TÀ L'IMMORTÈLA —

Sèi un país e ua flor,
E ua flor, e ua flor,
Que l'aperam la de l'amor,
La de l'amor, la de l'amor...

ARREPIC (refrain)
Haut, Peiròt, vam caminar,
Vam caminar, de cap tà l'immortèla,
Haut, Peiròt, vam caminar,
Vam caminar, lo país vam cercar.

Au som deu malh, que i a ua lutz,
Que i a ua lutz, Que i a ua lutz...
Qu'i cau guardar los uelhs dessús,
Los uelhs dessús, los uelhs dessús...

Que'ns cau trauçar tot lo segàs...
Tot lo segàs, tot lo segàs...
Tà ns'arrapar, sonque las mans,
Sonque las mans, sonque las mans...

Lhèu veiram pas jamei la fin,
Jamei la fin, jamei la fin...
La libertat qu'èi lo camin,
Qu'èi lo camin, qu'èi lo camin...

Après lo malh, un aute malh,
Un aute malh, un aute malh...
Après la lutz, ua auta lutz,
Ua auta lutz, ua auta lutz

